

Philimonla Paului Chagd is.

ABOUT THIS DOCUMENT

This work is licensed under the Creative Commons Attribution-NonCommercial-NoDerivs 4.0 Unported License.

To view a copy of this license, visit
<http://creativecommons.org/licenses/by-nc-nd/4.0/>

Wycliffe Bible Translator



Philimonla Paului Chagd is.

Philimonla Paului chagd issi skor.

I chagd ispo Tsso Yeshui skutshabs Paulu tsonkhanji nañja yod zane d ia dzadte innog, kabo Yeshu d onste sontea žanste lo nyishu tsab rdunni stijne innog.

Paului i chagd ispo Kolosi gyalsane inkhanni Mashikapa, Philimonla d ia dzads. Khoa Onesimus zerkhanni tsheyogzíg yodpin. I chagd ispo gyudte, Onesimussi Philimonni kane nor ş kuste shorkhanbo, ḥadañja gyus chanog. (Tedussi Rommi thims nañzin, Onesimusla i skyonni phia soggi chadpa phogces yodpin). Shorte stijne kho skutshabs Paulu dañ thugste, khorjji labcaa gyudte Mashikapa gyur. Ta Onesimus Mashikapa incespoe khoranjji sponbo, Philimon yodsa logste chaa thaddadpin. Paului Onesimusla gyabskyor dzadte, Philimonla zuwa zuin khoa shagspa tañste Mashikape spunzíggi tshulla, gasus žucassi phia d ia dzads..

Paului chogsne ju.

1:1 ne 3

1 ¹I yigebo Mashika Yeshui tonla tsonpa Paulu dañ ḥadañji spun Timothii chogsne in.
De ḥazaa nyampo las cokhan t opa cespa Philimonla d iad. ²Yañ ḥaze spunmo Aphia, mashike phia magmi t opa spun Arkibus dañ khyoranji khañje nañja dzomin yodkhanni chostshogslañ d iad.
³Daze moslam phullad, Konchog ḥadañgunni yab dañ Tsso Yeshu Mashika ghunni khyożagunla thugrje dañ žide salshig.

Paului moslam dañ thugrjeche zus.

1:4 ne 7

⁴Philimon khyoranji phia moslam zu zane, ne dusgyun Konchogga thugrjeche zuad, ⁵ciazerna khyoranji Tsso Yeshui nañja dadpa dañ, Konchoggi mi dampa tshajme phia cespa yodkhanboe skorla tshor. ⁶Mashike ḥadañgunla salla dzadkhan cinlabs tshajma khyoranja snyinji thilne hagote, žanmagun nyampo khyoranji dadpabo gonyancesla ne moslam phullad. ⁷Khyoranji cespe, ḥaa spospa dañ gamo ḥan e tañs, ciazerna ne spun, khyoranji Konchoggi dampe migunni snyinjia spospa tañte innog.

Paului Onesimussi phia zus.

1:8 ne 22

⁸Teboephia žanta mashike nañja ne khyoranja ospabo cos zerte katañcessi wañ yodnañ, ⁹ḥadañji cespe žaste ne khyoranja i žuwabo in. Da Paulu mirganzig dañ Mashika Yeshui žabstog žucespoe, dagsa tsonpazig inpa, ¹⁰khyoranja, ne butsha tsogs Onesimussi tonla zuwa zuad. Iru tsonkhanji nañja yod zane, dadpe nañja ja khoe aba gyur. ¹¹Sjunla Onesimus^a khyoranji phia phanmithogsshig yodpin, innaj ta dagsa ḥadañ nyiskoe tonla, kho ḥan e phanthogscanžig gyurte innog. ¹²Zan kho ne snyinjo innaj, ne kho khyoraj yodsa logste lamcuggad.

¹³Gamoe nastshul shadcessi žaste ḥaa iru tsonkhanji nañja yod zane, khoe ḥaa khyoranji tshabs coste yato

^a1:11 Griissi skaddi nañja Onesimussi tontagpo phanthogscanla zerranog.

cocessi phia, kho iru ḥaran nyampo borcessi dodpa rag. ¹⁴Innaj khyoranji kane gojspa medpa, ne cižiggañ conyin merag. Khyoranja wañ tañste manpa, thadpo nyampo ḥaa yato cocessi dodpa coad.

¹⁵Cigus, kho khyoraj nyampo dusbanshig beste dugcessi gyuntshanbo, khyoranja dusgyunni phia klogste thobcespo mannahe? ¹⁶Tanepharla kho khyoranji tsheyog tsogs manpa, tsheyoggi sañ khagcan, cespe spunzíg innog. Kho migsalli ne phia rincanzig in, innaj kho mižig yañ Tssoe nañja t opa spunzíg incespoe, kho khyoranji phian mañja rincanzig innog.

¹⁷Tene galtes ḥa khyoraj nyampo Konchoggi chaglassi nañja t opažig theadna, khoa gasus zus, kazug khyoranji ḥaa gasus žuste yodd o. ¹⁸Galtes khoe khyoranja northulžig coste yodna, ya khyoranji kane citoj khyerte yodna, tegun ḥaa bulonla kalnañ d ig. ¹⁹Ta dagsa ḥa Paului ḥaranji lagpane ibo d iad, ne te bulonbo shalin. Khyoranja thamedpe mitshe thobkhanni ne bulon yodkhanbo, idtu miskul.

²⁰Ona ne spunle, juju Tssoe nañja ne phanthogssi phia ibo cos. Mashike nañja ḥaa i spospabo ton.

²¹Khyoranja ne cocesla zerte yodkhan tshajma t ubcuges matshad, tesaj mañja cossi lokhyel nyampo, ne i yigebo d iad. ²²Yañ sperazig, juju ne phia d onkhanžig d alđig cos, ciazerna Konchoggi khyoranji moslamma lansalte ḥa gyogspa khyoraj yodsa logste yon cugga dzadcessi rewa rag.

Paului stijjuggi ju.

1:23 ne 25

²³Mashika Yeshui žabstog žuskhanni Epapharas, ne t opa tsonpe, khyoranja ju žurug. ²⁴Yañ tenna zuggi ne las cokhan t opa Markus, Aristarkus, Demas dañ Luka ghunniañ ju žurug.

²⁵De moslam zuad, Tsso Yeshu mashike khyoranja thugrje salshig..